

ALEXANDRI

GEMMETICENSIS ABBATIS

EPISTOLA DE FILIO HOMINIS

(D. MARTEN., *Anecdot.*, t. I, col. 777, ex ms. Gemmeticensi.)

R. dilecto in domino fratri, fr. ALEXANDER, vi-
dere voluntatem Domini.

Secreta mihi meditatione aliquando quærenti
qualiter illud evangelicum : *Quem dicunt homines
esse Filium hominis?* simplicioribus fratribus Gal-
lico sermone exponerem, tanta obviavit difficultas,
ut vel nimis remota interpretatione uterer, et quæ
vix ad litteram videretur accedere, vel quia homi-
nibus, non litteræ satisfaciens, aliud pro alio dice-
rem eorum de more qui sophistice disputantes,
non ad orationem, sed ad hominem proferunt so-
lutionem. Cum enim hoc nomen (*Homo*) non de-
terminet sexum : *Filium hominis*, nec *filiū viri*,
nec *filiū seminæ recte poteram interpretari*. Ho-
rum enim et alterum omnino falsum est, et neu-
trum de littera haberi potest. Non enim *filius ho-
minis* determinate hoc exprimit *quod filius seminæ*,
vel filius Virginis, quamvis penitus idem sit *filius ho-
minis* *quod filius Virginis*; sed neque aliud ali-
quid facile occurrebat *quod hoc termino* (*filius ho-
minis*) determinate insinuaretur. Hæc igitur diffi-
cultate coactus, ad profundiora meditationis sub-
sidia recurrebam, et veluti ruminando *quod ab*
aliis audieram, ad memoriam revocabam quidquid
id est totum tibi, frater charissime, sine fictione
eflundo, ut cum cedulam nostram inspexeris, le-
gisse in pectore nostro videaris. Aiunt igitur *quod*
*unus solus sit filius terræ, unus solus filius ho-
minis, cæteri omnes filii hominum*. Adam solus
*filius est terræ, per carnalem concupiscentiam ge-
niti omnes sunt filii hominum, sine qua genitus non*
hominum, sed hominis filius est solus Christus,
*quod quia illi soli convenit, imo quia ipse sic vo-
luit, pro descriptione ei assignatum est, quæ illi et*
soli et semper convenit. Si vero objicitur *quod et*
de Ezechiele scriptum hoc reperitur, improprie
dictum putant, ut qui dicitur filius hominis, intelligi-
gatur et filius hominum, et hæc est omnium fere
de prædicta appellatione sententia. Tu tamen qui
non verborum superficie falso deliniri, sed interiore
veritatis medulla refici quæris, animadverte
quod prædicta verba in parte quasi verum, in parte
autem prætendent subterfugium. Quod enim hac
oratione *filius hominis* Christus appelletur, certo

A certius est, quod autem ideo dictum sit quia unius,
et non plurium hominum filius est, non de verbis
exponunt, sed verbis imponuntur. Sciendum est
autem quod filius in sacra Scriptura quatuor mo-
dis accipitur; ratione creationis, ut in Luca *Adam*
filius Dei; ratione successionis et generis, ut ibi
de Christo *filius David, filii Abraham*; ratione legis,
secundum quod Joseph dicitur *filius Eli*. Nam se-
cundum carnem filius Jacob suit, et fortasse in hac
eadem significatione secundum legem mundanam
dicuntur filii adoptivi. Quarto autem modo filius
dicitur secundum propriam substantiam de substan-
tia generationem, secundum quam Christus dicitur
Filius Dei et filius hominis. Utrunque autem horum
credere de substantia est fidei christianæ; et ideo
B nec tropo nec figura usus est aliquando Jesus Chri-
stus, cum se *Filius Dei et filium hominis* nomina-
ret; sicut enim in aliis sacramentis in quibus sub-
stantia fidei vertitur, qualia sunt eucharistia et
baptismus. Quid enim manifestius esse possit eo
quod dicit carnem suam manducandam et sanguinem
suum bibendum? Quid apertius eo quod di-
cit: *Qui crediderit et baptizatus fuerit, salvus erit* (*Marc. xvi*). Ita luce clarius et sine omni involucre
filiū hominis se nominat, non *hominum, viri sci-
licet et feminæ, sed singulariter hominis*, ut ex
necessitate intelligamus, non masculi, sed feminæ,
cujus naturalis proprietas est concipere et parere.
Ut igitur veritatem humanae naturæ nobis creden-
dam in se ostenderet, *filiū hominis* sincera Ve-
ritas se vocabat et singulariter unius, ut singulari
numero et virum excludere, et tacite innuendo
Spiritum sanctum intimaret. Unde sic intelligitur
filius hominis, ac si diceret *filius illius B. Virginis*
quæ a principio in collegio Christi inveniebatur. Aliter fortasse autem hujus quæstionis solutio ex
verbis Apostoli conjici poterit, ubi dicit Christum
nequaquam decimatum suis in lumbis Abrahæ,
eo quod sine peccato Adæ natus est de Adam, ut
illius peccatum posset abolere. Dicit autem beatus
Hieronymus, quod ubi apud nos legitur *filius ho-
minis* in Evangelio, in Hebræo habetur *filius Adæ*. Idem enim est Adam *quod homo*. Unde quia hoc
nomen, *homo*, primum suit veteris Adæ, et nos ab

Illo per carnis propaginem derivamus, etiam ab illo veterem hominem dicimus, juxta illud : *Exuite vos veterem hominem*, etc. (*Ephes. iv.*) Adam enim merito vetus appellatus est, quia et ipse primus inveteravit, et inveterandi aliis causam dedit. Cum enim peccasset, atque a primo statu suo in deteriorum statum declinasset, jure vetus atque inveteratus dictus est; novus siquidem beatus fuerat, sed inveterando, id est amissa gratia qua floruerat, et natura per peccatum debilitata, in sece deficiendo miserrimus inventus est. Quæ miseria vetustatis nomine signata est, eo quod ab illo inveteratio exordium habet. Fili autem nomine *novitas* signatur, quia cum filius auditur, novum aliquid indicatur : ideoque Christus filius hominis, id est novus ex veteri appellatur. Ex homine enim secundum carnem est Christus, quod est esse ex Adam, sed nulla vetustatis seu peccati contagia contrahens : licet veteris sit filius hominis totus, ideo est novus, quia sine peccato est totus. Quod autem Christus vere filius Adæ fuerit, et ita filius quod etiam hæres, aperte ipse monstravit, dum ascendendo in cœlum hæreditatem ejus apprehendit. Adæ enim et semini ejus, nisi peccasset, ex decreto Dei hæreditas in cœlo debebatur, ubi construenda erat ecclesia ex duobus parietibus, hominum scilicet et angelorum, numero ac dignitate aequaliter sibi invicem respondentium; sed primus homo habet hæreditatem sibi et suis transgrediendo forisfecit, in quo quia omnes homines tunc fuerunt, eadem hæreditate omnes privati sunt, qui ab eo cum causa seu poena peccati descenderunt propter eamdem causam. Omnes enim nascentes in mundo, de corrupto primo parente corruptionem trahabant, et cum corrupti concupiscentiis resistere non possent, omnes inobedientes Deo erant, sicut et pater eorum Adam. Erat autem decretum Dei, neminem intrare in cœlum, donec tanta obedientia in uno homine inveniretur, quanta inobedientia fuerat in primo parente. Nemo igitur ceterorum propriæ filius hominis, id est hæres Adæ fuit, quia nemo hæreditatem ejus obtinere valuit, nisi ille

A solus qui sine omni peccato et causa peccati conceptus est et natus. Obediens Deo Patri per omnia, quia nulla illi concupiscentia resistebat; potens omnino; quia Deus et Dei Filius, qui, cum per oblationem sui corporis Deum nobis reconciliaret, non habuit necessitatem primum pro suis peccatis offerre, deinde pro populo, sed tantum quæ non rapuit, solvit. Inde est quod tanto praæconio, nunc hæres, nunc filius nominatur. Unde est illud : *Postula a me, et dabo tibi gentes hæreditatem tuam* (*Psal. ii.*). Et alibi : *Tu es filius meus dilectus in quo mihi complacui* (*Math. iii.*). Et iterum : *Parvulus natus est nobis, et filius datus est nobis* (*Isa. ix.*). Postremo ipse est semen Abrahæ, in quo benedicuntur omnes gentes. Non igitur aestimes me dicere cum filium hominis, seu Adæ, ideo tantum quod ab eo secundum carnem descendit. Hoc enim habuerunt et alii; sed quia hæres est, quod alii qui quasi spuri in peccatis concepti sunt, nullomodo esse potuerunt. Hic est ille masculus quem peperit mulier in Apocalypsi, cui nocere non potuit draco nec matri ejus, eo quod raptus est ad Deum. Et quia non solus Adam, sed in eo totum humanum genus hæreditate privatum est : etiam toti humano generi filius datus est, juxta illud : *In eum gentes sperabunt* (*Rom. xv.*). Bene ergo in ejus appellatione ponitur hoc nomen, *homo*, quod non discernit genus, quia nulli discrete, sed omnibus datus est in commune qui voluerint ei adhaerere. In Christo enim Iesus, ut ait Apostolus, *non est masculus, neque femina; non est servus, neque liber, nec acceptio personarum; sed qui timet Deum, acceptus est illi* (*Gal. iii.*). Reminisci autem te oportet quod Adam et homo eamdem habent etymologiam; utrumque enim interpretatur terrenus. Homo enim, ut dictum est, proprium Adæ nobis factum est commune, in quo, sicut et in Christo, omnes sine generum suimus discretione. Sed ut jam parcat oculis nimis evagata oratio, filium hominis credimus esse id quod est novus ex veteri, seu filius Adæ, habito respectu ad eum statum in quo fuerat Adam ante peccatum.